

MEDICAE FACVLTATIS DECANI
HERMANNI FRIDERICI
TEICHMEYERI


HAEREDITARI IN CAMSDORF ET WENIGEN-IENA
PHIL. ET MED. DOCT. ANAT. CHIRVRG. ET BOTANICAE PROF. PVBL.
RDIN. SERENISSIMORVM SAXONIAE DVCVM VINAR. ET ISENAC.
CONSIL. AVL. ET ARCHIATRI ACAD. IMPER. LEOPOLD. CAROL.
ET SOC. SCIENT. REG. BORVSS. SODAL.

PROGRAMMA INVITATORIVM
DE
RHYTMIS
BASILLI VALENTINI
DVODECIMVM

DISSERTATIONI IN AVGVRALI
DE
DOLORE FEBRIVM
ACVTARVM
DIE XXX. AVG. MDCCXXXVIII. HABENDAE
PRAEMISSVM.

IENAE DIE DOM. XII. POST. TRINITATIS.

LITTERIS CROEKERIANIS.



Vt promissis, in programmate undecimo
datis, satisfaciam, agendum nunc est de
depuratione Mercurii. Impuritates at-
que soi dec, Mercurio iunctae, vel extrin-
sece vel intrinsece adhaerent.

Cum sordes, Mercurio extrinsece adhaeren-
tes, minime ad Mercurii naturam pertineant, omnis
Mercurius, vel ad Barometra, vel ad Aethiopem
mineralem, vel ad vnguenta & emplastra, vel ad
alium in praxi medica finem impendendus, prius
ab omnibus metallicis particulis, plumbo scilicet,
puluere, aliisque terrenis depurandus, & quidem
adeo sollicite, vt ad splendorem argenteum, radi-
antem, fulgentem plenamque fluiditatem perdu-
catur.

Mercurius nunc in terrae visceribus fluidus re-
peritur, & virgineus salutatur, nunc ex suis venis
metallicis, minerisque, mediante destillatione, per
rētor-

retortam expellitur vel alio quoque modo extrahitur. *

Mercurius a mercatoribus emtus ut plurimum impurus est, lucri enim capiendo causa adulteratur; & ideo sequenti, & quidem communi modo purificandus est:

Recipitur scilicet concha lapidea, cui Mercurius infunditur, additur in simul sal commune, quo cum tamdiu trituratur, donec penitus fere dispareat; praeterea additur puluis scoriaruin martis *von Hammerschlag*, & quidem omnia in portione anatica.

Haec mixtura intime inter se combinata committitur retortae ** terreas minori, & ad nostram methodum commodam in ollae furno destillatur in vas recipiens aqua repletum, ita quidem, ut rostrum retortae in aqua penitus sit absconditum, ne vapor Mercurialis in auras abeat; si enim retortae rostrum sub aqua delitescit coagulatur mercurialis vapor, iterumque transvertitur in verum Mercurium. Cum enim inter omnes constet, Mercurium esse spiritum,

(2)

* Methodum id perficiendi planius descriptam videbis in scriptoribus rei metallica, v. g. apud Ill. GEORG ENGELHARD *von LOHNEYS* im Bericht von Bergwerken p. 177. it. in LAZARI ERCKERI *aula subterranea* p. 178. & 179.

** Non sine ratione commendo retortas terreas minores pro destillando & depurando Mercurio; harum enim rostra si incalescunt, ab igne tam forti non rumpuntur; quando vero, contraria ex parte, Mercurius in retortis vitreis, quorum rostra sub aquis delitescant, destillatur, vix fieri potest, ne vitra rumpant atque frangantur. Hoc iam dudum obseruauit PHILAETHA, hinc ferreas & ex Chalybe confectas commendat retortas cap. XV. introitus aperti.

tum, qui ab igne in vaporem & fumum resoluitur, siue quod idem est, in aerem & effluuiam abit.

Alii depurationem Mercurii aliis suscipere solent modis; ut exempli loco unicam tantum adducam rationem Mercurium depurandi, recipiunt cinnabarinam factitiam, vel etiam Mercurium sublimatum, & ex hisce corporibus addendo sufficientem & anaticam vel limaturaem vel scoriarum Martis quantitatem, mediante destillatione in pristinum restituunt corpus, eundemque Mercurium dicunt residuum. ***

Verum quamvis Mercurius hac methodo communis a sordibus suis extrinsecis mundificetur, illatenus intrinsece non est purificatus. Omnia enim, quae cum Mercurio in sublimatione coniunguntur, v. g. sulphur commune in cinnabari, spiritus nitri, salis & vitrioli in Mercurio sublimato, cum sint extrinsece saltim agentia, quae mercurium non penetrant intime, nec suas proprietates intrinsecas mutant, facili enchyrisi ab eo iterum separantur.

Impuritates intrinsecæ vero, quae in certa terra certaque aqua, quae bina intime inter se iunguntur cum Mercurio, consistunt, hac indicata methodo communis, nunquam separantur a Mercurio.

Pauca haec praemittere dissertationi inaugurali clarissimi atque dignissimi Candidati artis salutaris per-

*** Vide *institutiones meas chymicas p. 35. & 36.*, ubi de depuratione Mercurii tractatur, & si vis, iunge cum iisdem *institutiones meas materiae medicae cap. IX. de Salivatione Mercuriali.*

permisit vitae ratio, quam hic, uti moris est, propria Candidati manu consignatam exhibeo:

CAROLO GOTTLLOB RÜCKERÖ

Zittaviae a. CCCC. IX. Die XVII. Kalend. Febr. contigit nascendi conditio. Patre ille natus honesto, annum nunc agente octogesimum quintum, Gymnasi Zittaviensis Collega, CAROLO RÜCKERÖ, matre DOROTHEA ROSINA, ex Neumanniorum stirpe oriunata. Fidelissima ipse patris charissimi informatione in litteris latinis aequae ac graecis usus, ac pietatis christianaæ principiis imbutus, curae commissus fuit clarissimi M. CHRIST. PESCHECKI, Arithmeticæ praecepta ipsi tradentis ac Geometriæ, ac transactis aliquot annis in celebratissimo illo virtutis & meliorum artium seminario Zittaviensi cum reliquis Praeceptoribus publicis b. M. MICH. ZIGERO, IOH. DAN. STRAVPITZIO, Subrectore, M. ADAM ERDM. MIRO, Correctore, & deinceps a defuncti huius successore M. SAM. FRIDER. BUCHERO, viris de re literaria praeclare meritis; tum vero a Gymnasi modo laudati Directore M. GOTHOFR. POLYCAR. MULLERO, insigni sua eruditione maximam inter doctos nominis celebritatem consequito, in iis artibus, quibus iuuenilis aetas ad humanitatis studia informari solet, eruditus, atque adeo, ductu insuper experientissimi Medicinae Doctoris & Practici IAC. FRIDER. GERBERI, fundam̄ntis quibusdam in scientiis anatomicis & chymicis rite iactis, sublimioribus in academia disciplinis rite pertractandis idoneus iudicatus, habita, qua Gymnasio valediceret, oratione de Democriti Abderitae vita, huius cognitione anatomica, & incrementis rerum anatomicarum ad nostra usque tempora, die XImo Kalend. octobris Anno CCCCXXXI.

adiit florentissimum hoc Musarum Ienensium domicilium. Quo
facto nomen suum apud Pro-Rectorē tunc temporis Magnificum
IOH. ADOLPH. WEDELIVM professus, atque ita die V.
iduum Octobris ordini litterarum studiosorum rite adscriptus ab
HER M. FRID. TEICHMEYERO, cuius patrocinio
fuerat commendatus, petitis, quo pacto studiorum rationes
rite forent ineundae, consiliis, cum ab ipso doctore Philoso-
phiam naturalem, Chemiam, Anatomiam, Physiologiam, Pa-
thologiam, Praxin medicam & Medicinam legalem est edocitus;
tum vero operam dedit viris Illustribus atque Excellentissi-
mis, HILSCHERO & HAMBERGERO, quorum alter ma-
teriam medicam priuatim, pathologiam vero & modum pree-
scribendi formulas publice ipsum perutuit; alter studia eius
in scientiis pariter physicis, ac anatomicis in maius meliusque
prouexit, cuius etiam preelectionibus publicis incrementa debet,
quae in disciplina chirurgica in dies cepit maiora. In methodo
medendi generali ipsum erudiuit vir de arte illa maxime salutari
immortaliter meritus, Illustris, atque Excellentissimus, IOH.
ADOLPH. WEDELI VS. Statim sub initio annorum acade-
micorum in percipiendis artis mathematicae preeceptis opera-
vus est SEGNERI, Mathematum & physices nunc tem-
poris in Academia Goettingensi P. P. O. celeberrimi: Philo-
sophiae eiusdemque rationalis preeceptorem habuit M. IAC. CAR-
FOVIVM, illustris Gymnasii Vinariens. nunc Rectorem claris-
simum. De ipsis studiorum rationibus preeclare itidem meruit
Hospes desideratissimus, Excellentissimus E M A N. C H R I-
STIAN. LOEBERVS, usq; experientia in arte medica in-
signis, quem preelegentem audiuit Praestantissimi BOER-
HAAVII institutiones medicas, & aphorismos de cognoscendis
& curandis morbis: cuius preecepta quium rite haberet percepta,
prolixissima hospitis modo laudati in ipsum voluntate factum est,
vt cum isto aegrotos aliquoties, qui curae ac fidei eius se com-
miserant, conueniret, & quo illi modo forent tractandi, disce-

ret. Suadente ita Hospite Excellentissimo, studiorum suorum rationibus amplius prouisurus, relicta die VII. iduuin Septembris CIJ IJ CC XXXV. urbe Ienensi, & itinere per Cassellas, Paderbornam, Mimingrodam, Zwollam, Sinum Austrinum factio, Amstelodamum concessit, & inde Lugdunum Batavorum se recepit, ibique artis medicae peritia Praestantissimorum virorum, HERM. BOERHAA VII iuxta, institutiones & aphorismos practicos a se editos explicantis, ac BERNH. SIEGFR. ALBINI, Scientias anatomicas & chirurgicas, itemque in praeparata sua anatomica ceracea materia iniecta considerationes physiologicas tradentis, scholas non sine insigni iucunditate & fructu frequenterauit, & utilitatem haud mediocrem ex doctissimis Praeceptoris postremo loco nominati colloquiis, quae ipsi Hospitis commendatio effecerat, percepit. Morbo tamen conflictatas acuto, eodemque summa cum virium debilitate coniuncto, & quum iam convalescere videretur, vertiginans ac capite debilis, & regionis Batauiae aera pertaesus, hortante ita Experientiss. Med. Doct. GERH. A SWITEN, cui valetudinis restituendae curam commiserat, postquam Hagae Comitum, Amstelodami, aliisque in locis illustrioribus, nosocomia, & domos publicas visendi, & notatu ac spectatu digniora in usum suum conuertendi gratia aliquamdiu fuit commoratus, in Germaniam d. VII. Kalend. Augusti CIJ IJ CC XXXVII. se recepit, & ut valetudini indulgeret, per varia eius regionis loca iter fecit, & inter alia & Cassellas, ubi rariora multa ipsi videre contigit, & Marpurgum adiit, ubi Philosophus, quem nostra tulit aetas perlebris, CHRISTIANVS WOLFIUS, ipsi sui conueniendi copiam fecit. Inde Ienam ipsis idibus Augusti CIJ IJ CC XXXVII. reuersus, & quae cooperat, studia ulterius est prosecutus.

Confecto nunc studiorum itinerumque cursu laudabili, ad altiora contendens adiit, vt par est, facultatem nostram medicam rogans, vt aditus ei ad consueta examina aperiretur. Voti huius parti-

ceps

ceps factus, spēm omnino implevit facultatis, docuitque, se tempus studiis itineribusque datum bene collocasse.

Restat dissertatio inauguralis, quae de DOLORE FEBRIVM ACVTARVM agens, sub praefidio laudati Magnifici HILSCHERI habenda erit die XXX. Aug. M DCC XXXVIII.

Ad hunc vero actum solennem Magnificum Pro-Rectorē, illustrissimos S. R. I. Comites, aca- demiae proceres venerandos, hospites omnium ordi- num honoratissimos, & generofissimam & in spēm patriae efflorescenteū commilitonū coronā per- officiose & beneuole, collegii medici nomine, invito. P. P. Ienae die Dom. XII. post Trinit. MDCC XXXVIII.

